

Pol ndê bapia tilu-nga têŋ Timoti Yom whê bapia dindéc sa-nga

Pol ndöc gapocwalô ndöc Rom, ma kêsahê bu ŋasawa saun oc sêndic in ndu, dec to ndê bapia tilu-nga dindéc têŋ Timoti. Pol tac whiŋ Timoti ndu andô, ma to bapia dindéc bu puc in dôŋ bu lhac ŋaŋga, ma maya dau me töc dau dom bu hoc ŋawaê ŋayham asê. In tac whiŋ bu Timoti lhac gitôm Yisu ndê ŋac siŋ-nga ŋayham dan. Ma Pol gêm la Timoti bu yob dau tu métê sac tidau-tidau naŋ oc êŋsôwec tiatu têŋ têm ŋambu-nga, ma kêŋ puc in pi kêdôhônwaga tasan.

Pol gic hu ndê bapia

¹ Aö Pol, naŋ gati Yisu Kilisi ndê ƒaposel kêkuc Anötö ndê atac whiŋ. In gic bata bu lau naŋ sêkêŋ whiŋ Yisu Kilisi oc sêtap sen sêndöc tali-nga sa, dec kêyalin aö sa gati aposel, bu wahoc yom dau asê têŋ lau.

² Gato bapia dindéc têŋ aneŋ atunƒac tac whiŋ-nga, am Timoti. Mwasin ti tawalô ma yom malô akêŋ Damaŋ Anötö lu yac neŋ Pômdau Yisu Kilisi têŋ am.

Pol puc Timoti dôŋ

³ Aö gam akiŋ Anötö tôm damaŋi sêkôm, ma galhac in anƒô-nga ti atac pa su tu aneŋ lêŋ-nga. Ma tôm ôbwêc ti acsalô, aö gauc gêm am yêc aneŋ mbec ŋalôm, ma aö gam danƒe Anötö tu am-nga.

⁴ Aö gauc gêm ndoc naŋ hêclu dahu daun siŋ, ma am taŋ. Tu dinaŋ-ŋga aö tac whiŋ bu walic am tiyham, oc kôm aö atac ŋayham sa.

⁵ Ma aö gauc gêm am nem lêŋ kêŋ whiŋ ŋaŋga-ŋga. Aö kayalê bu am nem pômwê Lois lu dinam Yunis sêkêŋ whiŋ ŋaŋga, ma gakêŋ whiŋ bu am kêkuc iŋlu si lêŋ.

⁶ Tu dinaŋ-ŋga dec aö bu wateŋ am bu gauc nem Anötö ndê mwasiŋ naŋ am kôc têŋ ndoc aö gakêŋ amaŋ sac am. Lhac ŋaŋga ma kôm gwelenŋ ŋa mwasiŋ dau ŋa-ŋaclai, gitôm am kôm ya golom tiatu.

⁷ Anötö kêŋ ndê Ŋalau têŋ yac, ma bocdinaŋ dec datöc daun tu sake-ŋga? Iŋ kêŋ ndê Ŋalau tu kêŋ ŋaclai têŋ yac, ma tu dambo ti mêtê atac whiŋ lau-ŋga, ma dayob daun neŋ lêŋ-ŋga.

⁸ Bocdinaŋ mayam daôm tu hoc yom asê pi yac neŋ Pômdau-ŋga dom. Ma mayam tu aö gandöc gapocwalô tu iŋ-ŋga dom. Mba! Lhac ŋaŋga whiŋ aö ma hêclu dahôc ŋawapac tu Yisu ndê ŋawaê ŋayham-ŋga, tôm Anötö dau kêŋ ndê ŋaclai bu puc hêclu dôŋ.

⁹ Iŋ gêm yac si ma kêgalêm yac sa bu dasa iŋ ndê lêŋ dabuŋ. Iŋ kôm gêŋ dau tu yac neŋ ŋayham daŋ-ŋga dom. Magoc iŋ kôm tu iŋ dau ndê mêtê atac whiŋ ti êmwasiŋ yac-ŋga. Têŋ têm iŋ kêŋ undambê ti nom su dom, naŋ iŋ kêmatiŋ yom tidôŋ bu êmwasiŋ yac tu Yisu Kilisi-ŋga.

¹⁰ Ma yac neŋ †Ŋgac Nem Yac Si-ŋga Yisu Kilisi meŋ hôc asê nom su, dec Anötö ndê mwasiŋ dau meŋ tiawê. Ma ŋawaê ŋayham tôc asê bu Yisu Kilisi ku ŋaclai dambac ndu-ŋga dulu, ma iŋ ti yac neŋ seŋ dandöc taŋli ŋapaŋ-ŋga.

¹¹ Ma tu ηawaê ηayham dau-ηga, dec Anötö kêyalij aö sa gati ηgac ahen-ηga ma aposel, ma kêkinj aö bu wandôhônj lau.

¹² Tu dinaη-ηga dec gahôc ηawapac dindec. Magoc aö mayanj daunj dom, galhac ti atac pa su. Nahu bu aö gakêη whinj Yisu Kilisi, ma aö kayalê inj tidônj. Ma gakêη daunj ti neη gêη honj sip inj amba, ma gakêη whinj bu inj gitôm bu yob ηapep e bêc ηambu-ηga.

¹³ Yom ηandô nanj aö kadôhônj têη am, nanj kôc dôη gitôm dôhônj ηayham bu êndôhônj têη lau. Ma lêη dakêη whinj-ηga ti atac whinj asidôwai-ηga, nanj gic lau sêkêη whinj Yisu Kilisi-ηga ηawaê, nanj am sap dôη ηanηa.

¹⁴ Nalau Dabunj nanj mbo yac lau dakêη whinj-ηga neη ηalôm, nanj puc am dôη bu yob yom ηandô dakêη whinj-ηga nanj aö gakêη sip am amam su.

¹⁵ Am kêyalê bu Pigelas lu Hemogene ma lau Esia-ηga honj nanj sêmbô malac Rom, nanj sêhu aö sij su.

¹⁶ Magoc aö wateη Pômdau bu tawalô Onesiporas ti ndê gôlôwac honj, ηahu bu inj gêm aö sa tidim daêsam. Ma inj maya tu aö gandöc gapocwalô-ηga dom.

¹⁷ Têη ndoc inj hôc asê malac Rom, nanj kêsalê aö ηanηa e tap aö sa.

¹⁸ Ma am kêyalê su bu têη ndoc aö gambo malac Epesas, nanj inj gêm aö sa daêsam. Tu dinaη-ηga aö wateη Pômdau bu tawalô inj, ma nem inj sa têη bêc ηambu-ηga.

2

¹ Bocdinaη aneη balê, lhac ηanηa tôm Yisu Kilisi

ndê mwasinj puc am dôj.

² Yom nanj aô gahoc asê yêc lau daêsam anjô-nga, nanj am ngô su ma kêyalê. Kwahic dec aô bu wasôm têtj am bu êmyalinj lau njatô sa, nanj sêsap Kilisi ma yom njandô dôj njanga, ma êmdôhônj yom dau têtj njac e sênjalê tidônj, goc sêkôm gwelenj sêwhinj am ma sêndôhônj lau njatô.

³ Lhac njanga ma hôc njawapac whinj yac, tôm Yisu Kilisi ndê njac sinj-nga njayham danj.

⁴ Njac sinj-nga njayham kôc gauc pi inj ndê gwelenj ndic sinj-nga njapanj, ma hêgo dau tu gêtj njatô-nga dom. Njahu bu inj bu kôm gêtj honj tôm inj ndê njadau tac whinj.

⁵ Ma njalêj tigenj, asa nanj kêtj whinj lau nanj sênti tu sêhôt gêgêlêc dandi-nga, nanj kêtj kêkuc njagôlinj solop. Inj bu ênjuc njagôlinj dom, dec oc tôm dom bu inj kôc njôli nanj gic waê njac njamata-nga.

⁶ Ma njalêj solop bu njac gwelenj andô kôc gêtj njandô tu nenj-nga yêc ndê ôm tinjamata.

⁷ Kôc gauc pi anenj yom honj dindec, bu Pômdau oc whê am nem gauc sa pi yom dau njahu.

⁸ Am bu hôc njawapac, dec gauc nem Yisu Kilisi nanj sa akêj Dawid ndê tonj, nanj Anötö unj inj sa akêj lau batê-nga. Njawaê njayham nanj aô gahoc asê, nanj njahu inj dau.

⁹ Tu njawaê njayham dau-nga, dec gahôt njawapac ma sêsô aô dôj njac sen gitôm njac sac danj. Njac sêsô aô dôj, magoc oc tôm dom bu sêsô Anötö ndê yom dôj.

¹⁰ Aô galic njayham bu wahôt njawapac, tu bu wanem lau nanj Anötö kêyalinj njac sa muj su, nanj sa. Aô bu watôt senj têtj njac bu sêtap Anötö ndê

mwasin nem nac si-nga sa tu Yisu Kilisi-nga, ma sêndöc tali napan yêc Anötö ndê gameŋ nawê-nga.

¹¹ Yom dindec in yom nandô solop:

Yac bu dambac ndu dawhin Yisu, oc dambo tanli dawhin in bocdinaŋ.

¹² Yac bu dalhac nanga têŋ ndoc nawapac tap yac sa, dec yac oc danem gôlin dawhin in.

Yac bu dasôm bu dati in ndê dom ma dasêc in ahuc, dec in oc sêc yac ahuc bocdinaŋ.

¹³ Yac bu dakêŋ whin gwalec, tigeŋ Yisu in Yom Nandô Nadau, ma yom bocke nan in gic bata tu yac-nga, nan oc kôm nandô sa. Nahu bu in gitôm dom bu sêc dau ndê yom ahuc.

Anötö ndê lau gwelen-nga si lêŋ

¹⁴ Yom hon dindec, am kêŋ lhac gôlôwac dabun si gauc napan e tidôn nac. Yêc Anötö ango-nga kêŋ puc nac bu sêsen dandi tu yom nambwa-nambwa-nga dom. Nac bu sêsen dau, dec oc nandô mba, ma oc kôm lau natô si sêkêŋ whin tisac.

¹⁵ Êmsahê nanga bu kôm nem gwelen hon bu ndic Anötö tandô nayham. Ma in oc lic am gitôm ngac gwelen-nga nayham nan whê in ndê yom nandô sa napep, ma gêŋ dan oc kôm am mayam daôm dom.

¹⁶ Ndic ahê lau nan sêrlhin Anötö sin ma sem yomgalôm pi gêŋ nambwa-nambwa nom-nga napan. Bu lau nan sêsap yom kain dinaŋ dôn, nan si mêtê sac oc ênsôwec tiatu napan e sêhu Anötö sin gacgeŋ.

¹⁷ Ma yom dau oc tiapa ma kôm lau sêtisac, nditôm gambocbôm sac nan gêŋ lau tidac-tidac. Himeneus lu Piletus sêmbu lau dinaŋ si ton nalom.

18 Inju sêhu yom nandô siñ su. Sêsôm têñ lau bu ndoc lau sêtisa akêñ lau batê-nga meñ hóc asê su. Ma bocdinañ sêkôm lau nãtô si sêkêñ whiñ tisac.

19 Magoc Anötö ndê yom nandô in gitôm alhö nãnga, nañ in po in ndê gôlôwac dabuñ sa sêlhac nãhô. Ma in kêñ yom nãlhô dinda lu têñ yac bocdec bu, “Lau nañ sêti Pômdau ndê lau, nañ in kêyalê ñac hoñ tidôñ,” ma “Lau hoñ nañ sêsôm bu sêkêñ whiñ Pômdau, nañ sêhu mêtê sac hoñ siñ mañ.”

20 Wapa gwelen-nga tidau-tidau yêc ñgac ti lêlôm ndê andu nãlôm. Nãtô gic waê gwelen tiwaê, ma nãtô gic waê gwelen bambaliñ. Gêñ tiwaê sêmasañ ña gol ma silba, ma gêñ waêmbe sêmasañ ña a me nom.

21 Ma yêc yac ñamalac bocdinañ. Mêtê daêsam yêc tu tañkuc-nga. Asa nañ timêtê dau ñapep ma hu mêtê sac hoñ siñ, nañ gitôm gêñ nañ sêmasañ ña gol ma silba. In oc ti ñgac akiñ ñayham ma dabuñ bu nem akiñ yac neñ Nãdau, ma in oc tôm bu kôm gwelen ñayham-ñayham daêsam.

22 Mêtê nãlôm ñagalac-nga nañ balêi sêkôm, nañ hu siñ gacgeñ. Ma êmkuc lêñ gitêñ ti mêtê dakêñ whiñ-nga ti atac whiñ lau-nga ma lêñ yom malô-nga, tôm lau nañ sêkêñ whiñ Pômdau sêkôm ti nãlôm ñawasi eñ.

23 Lau nañ sêseñ dau tu yom gauc mbasi-nga, nañ ndic sôñ daôm whiñ ñac dom. Bu yom kain dinañ oc li lau sa ma sêkêñ kisa dandi.

24 Asa nañ bu ti Pômdau ndê ñgac akiñ ñayham, nañ ndic ahê yom nañ kôm lau sêseñ dau-nga mañ. Ma in kôc ndê nãlôm dôñ ma tac nãdê ñagahô tu gêñ nañ lau sêkôm têñ in-nga, nañ dom. Ñayham bu

in̄ ḡac tigauc naḡ gitôm bu êndôhôn lau ḡatô, ma in̄ kôm mêtê malô ti ḡayham têḡ lau hon̄.

²⁵ Lau naḡ bu sêseḡ Anötö ndê yom ḡandô, naḡ goc in̄ oc êndôhôn ḡac ti ndê ḡalôm malô, bu mboe Anötö oc kêḡ ḡac sênem si ḡalôm kwi, ma whê ḡac si gauc sa e sêḡyalê yom ḡandô.

²⁶ ḡac oc sêḡyalê bu muḡ-ḡga sêpeḡ sêsip Sadan̄ ndê akô si, ma sêti in̄ ndê lau akiḡ ḡambwa naḡ sêkôm tôm in̄ atac whiḡ. Magoc ḡac bu si gauc sa ma sênem dau kwi, dec oc tôm bu sêhu Sadan̄ siḡ ma sêsa Anötö ndê lêḡ.

3

Mêtê sac têm ḡambu-ḡga-ḡga

¹ Aö wasôm têḡ am bu têḡ têm ḡambu-ḡga mêtê sac daêsam oc meḡ sa.

² Lau oc atac whiḡ dau ma atac whiḡ mone hôc gêlêc, ḡac oc sêpo dau sa ma sêsôm yom sêtoc dau sa-ḡga daêsam, sêsôm yom sac-sac daêsam, daḡgapêc têḡ damba ti dindai, sênem daḡge lau naḡ sêkêḡ gêḡ têḡ ḡac-ḡga dom, ma sêtec mêtê dabuḡ ti mêtê gitêḡ.

³ ḡac oc atac whiḡ lau dom ma sêsôm yom sac pi ḡac, ma ḡac oc sêsuc lau ḡatô si yom kwi dom. ḡac oc sênem gôliḡ dau si lêḡ ḡapeḡ dom, sêkôm gêḡ hon̄ bambaliḡ tôm si atac whiḡ, sêndic lau ti sêkôm ḡac ḡayom, ma sêtec mêtê ḡayham ti gêḡ ḡayham hon̄.

⁴ ḡac lau sêpêḡ biakiḡ-ḡga, lau naḡ si lêḡ saḡsalaḡ, ma lau sêtoc dau sa-ḡga. ḡac atac whiḡ Anötö dom, tigeḡ ḡac atac whiḡ gêḡ ḡayham-ḡayham nom-ḡga hôc gêlêc su.

⁵ Nac sêsa si lêñ gitôm sem akiñ Anötö, tigen sêsêc inñ ndê ñaclai ahuc. Am mbo ahê lau kainñ dinanñ honñ.

⁶ Bu ñac si lau ñatô sêmbac yom lau e lau dau sêkôc ñac sa. Ma sêndôhônñ ñac si yom tasanñ têtñ lauwhê gauc babalê, e lauwhê dau sêsôc ñac si yom ñapu. Lauwhê kainñ dinanñ mêtê sac ti mêtê ñalôm ñagalac-nga gêm ñac si ñalôm ahuc.

⁷ Nac atac whinñ bu sêngô yom daêsam, ma tac whinñ bu lau sêndôhônñ ñac, magoc ñac si gauc sa dom pi yom bocke inñ yom ñandô.

⁸ Kêdôhônñwaga tasanñ dinanñ sêkêñ kisa yom ñandô tôm Yanis lu Yambres sêkêñ kisa Moses.* Nac si gauc tisac su, ma ñac si sêkêñ whinñ Anötö mbasi sambuc.

⁹ Magoc ñac si gwelenñ oc nem ñandô dom, ñahu bu lau tîgauc honñ oc sênyalê bu ñac si lêñ inñ lêñ gauc mbasi-nga, tôm Yanis lu Yambres si lêñ.

Pol gêm la Timoti

¹⁰ Am daôm kêyalê aô tidônñ. Am kêyalê yom honñ nanñ aô kadôhônñ, ti anenñ lêñ gambo-nga, ma ñahu bocke dec gakôm gwelenñ, anenñ lêñ gakêñ whinñ-nga ti atac whinñ lau-nga, ma lêñ galhac ñannga ma gahôc ñawapac ti atac malô-nga.

¹¹ Am kêyalê gênñ honñ nanñ hóc asê aô yêc malac Antiok, malac Aikoniam ma malac Listra, ma ñawapac ti ñandê honñ nanñ aô gahôc. Magoc Pômdau kêgaho aô su yêc gênñ honñ dinanñ.

* **3:8:** Yanis lu Yambres - ñgac lu dinanñ si ñaê yac oc datap sa yêc Yom Lêñsêm Akwa dom. Magoc lau ñatô gauc gêm bu inñ lu ñgac mbectoma lu nanñ sêkôm gênñ dalô bu sêhóc gêlêc gênñ dalô nanñ Moses kôm. Alic Eks 7:11, 22; ma 9:11.

¹² Yomandô wasôm têḡ am. Lau hoḡ naḡ sêkêḡ whiḡ Yisu Kilisi, ma atac whiḡ bu sêsa lêḡ gitêḡ, naḡ lau oc sêkêḡ kisa ḡac bocdinaḡ.

¹³ Ma lau sac ti lau tasanḡ si lêḡ sac oc tisac sambuc. ḡac oc sêḡsau lau ma lau oc sêḡsau ḡac.

¹⁴ Ma am daôm, yom naḡ am kêdôhônḡ ma kêḡ whiḡ su, naḡ sap dôḡ. ḡahu bu lau naḡ sêndôhônḡ am, naḡ am kêyalê ḡac ti ḡac si lêḡ gitêḡ su.

¹⁵ Têḡ ndoc am mbo balê, naḡ am kêyalê Anötô ndê yom dabuḡ naḡ sêto yêc naḡ. Yom dau gitôm bu kêḡ gauc têḡ yac e dakêḡ whiḡ Yisu Kilisi ma datap Anötô ndê mwasinḡ nem lau si-ḡga sa.

¹⁶ Ma Anötô ndê yom hoḡ naḡ sêto yêc naḡ, inḡ ndê ḡalau gêm gôlinḡ lau dec sêto. Bocdinaḡ yom dau inḡ ḡayham bu tandôhônḡ têḡ lau, tu datôc lau si giso asê ma tamatôc ḡac-ḡga, ma tu dawhê Anötô ndê lêḡ gitêḡ sa-ḡga.

¹⁷ Yac dakôm bocdinaḡ tu bu Anötô ndê lau sêḡyalê inḡ ndê yom hoḡ tidônḡ, ma yom dau nem ḡac sa e sêkôm si gêḡ sambob ḡapep eḡ.

4

¹ Am kêyalê bu Yisu Kilisi oc mbu meḡ ti ḡaclai atu bu nem gôlinḡ gêḡ hoḡ, ma inḡ oc êḡsahê lau tali ma lau batê pi ḡac si mêtê. Yêc inḡ aḡgô-ḡga, ma yêc Anötô aḡgô-ḡga, aô bu wandic yomsu am bocdec bu.

² Nem mêtê lau, ma whê Anötô ndê yom sa têḡ ḡac tôm têm hoḡ. Kêḡ puc lau bu sêkôm sac dom, ma ḡac naḡ sêkôm giso, naḡ tôc ḡac si giso asê e sêkac si ḡalôm kwi. Êḡgilí lau hoḡ bu sêlhac ḡaḡga. Puc daôm dôḡ ma lhac ḡaḡga ti atac pa su. Ma whê gêḡ hoḡ sa yêc awê têḡ lau.

³ Bu tēm oc meṅ sa, naṅ lau oc sêtec bu sêṅgô yom ṅandô pi Anötö ndê lêṅ. Magoc ṅac oc atac whiṅ bu sêṅgô yom naṅ puc ṅac dôn bu sêkôm mêtê sac-sac tôm ṅac dau si atac whiṅ. Tu dinaṅ-ṅga dec ṅac oc sêsap kêdôhônwaga tasaṅ dôn, ma sêhê daṅga ṅac si yom ṅapep eṅ.

⁴ ṅac oc sêpôc daṅgasuṅ ahuc têṅ yom ṅandô, ma tac whiṅ bu sêṅgô lau andô si miṅ ṅambwa-ṅambwa.

⁵ Magoc am ṅac daôm ṅgô. Yob daôm bu kôm gêṅ hoṅ ti gauc eṅ. Hôc ṅawapac ti atac pa su, hoc ṅawaê ṅayham asê têṅ lau, ma kôm am nem gwelenṅ nem akiṅ Anötö-ṅga hoṅ ṅapep ma ti atac whiṅ.

⁶ Ma aô dauṅ dec, kasahê bu tēm meṅ kêpiṅ bu wahu nom dindec siṅ. Aneṅ tēm wambo nom-ṅga gitôm laclhu wain-ṅga naṅ sêkêc pi alta ti da têṅ Anötö, ma kêpiṅ bu pacndê.

⁷ Aô galhac ṅaṅga ma gac siṅ tu Anötö ndê yom ṅayham-ṅga, aô kati e gahôc asê ṅabatiṅ su, ma gakôc aneṅ gakêṅ whiṅ dôn.

⁸ Pômdau, yac neṅ ṅac gitêṅ êmatôc yac-ṅga kêmasaṅ ṅaôli ṅayham bu kêṅ têṅ lau gitêṅ têṅ bêc ṅambu-ṅga. Ma malô aô watap ṅaôli ṅayham dau sa. Magoc aô taṅwasêṅ dom. Lau hoṅ naṅ sêkêṅ bata Yisu bu mbu meṅ, naṅ oc sêtap si ṅaôli ṅayham sa bocdinaṅ.

Pol tac whiṅ bu Timoti têṅ iṅ ndi

⁹ Aô tac whiṅ bu am êmasaṅ daôm ṅagahô ma têṅ aô mweṅ.

¹⁰ Bu aô kakiṅ Kresens têṅ gameṅ Galesia-ṅga gi, ma Taitus têṅ gameṅ Dalmesia-ṅga gi. Ma Demas hu aô siṅ ma kôlhô têṅ malac Tesalonika gi, ṅahu bu iṅ tac whiṅ gêṅ nom-ṅga hôc gêlêc su.

11-12 Aö kakinj Tikikus têtj malac Epesas gi su, ma Luk tawasê dec mbo whinj aö. Têtj ndoc am mwenj, goc kôc Mak whinj am, bu inj ngac ngayham bu nem aö sa tu anenj gwelenj-nga.

13 Ma kôc anenj ñakwê baliñ nanj gahu sinj whinj Kapus yêc malac Troas, ma kôc anenj bapia tilhuñ. Ma aö tac whinj ñandô bu am kôc anenj bôc ñamlic ñatô, nanj sêto Anötö ndê yom pi, nanj whinj.

14 Aleksanda, ngac pec ain-nga dinanj, inj kênj kisa aö ma kôm mêtê sac daêsam têtj aö. Pômdau oc kênj ñagêyô têtj inj, êñkuc inj ndê mêtê sac.

15 Yob daôm tu inj-nga, bu inj kênj kisa yac tu gwelenj ñawaê ngayham-nga, ma kalhac lau ahuc bu sêngô dom.

16 Têtj ndoc ñamata-nga nanj lau Rom-nga sêmatôc anenj yom, nanj lau danj sêpuc aö dôñj dom, hoñ sêhu aö sinj. Magoc aö watenj Anötö bu suc ñac si giso kwi.

17 Têtj ndoc dinanj Pômdau dau kalhac whinj aö ma puc aö dôñj, dec gam mêtê hoñ timala ma flau gamenj apa-nga hoñ nanj sêmbu andu sêmatôc yom-nga, nanj sêngô. Ma inj kêgaho aö su yêc layon whasunj.*

18 Ma aö gakênj whinj bu inj oc nem aö si yêc gênj hoñ nanj lau sac bu sêkôm têtj aö, ma kênj aö wandôc ngayham yêc inj ndê gamenj undambê-nga.

* **4:17:** Pol sôm bu Pômdau gêm inj sa bu layon señ inj dom. Têtj têtj dinanj lau nanj sêkênj kisa lau sêkênj whinj-nga nanj sêkênj daêsam têtj layon señ ñac. Tigenj ñac sic yao bu sêkênj lau Rom-nga têtj layon dom. Pol inj ngac Rom-nga (Apo 16:37) ma tu dinanj-nga lau atu-tu gauc gêm bu Pol ndê yom dinanj inj gitôm yom gôlinj, ma lau sac nanj sêkênj kisa inj, nanj inj gêm dôhônj ñac pi layon.

Dahoc in ndê waê asê kwahic dec ma tòm bêc hon ndi. Yomandô!

Yom nambu-nga

¹⁹ Kôm anen acsalô nayham têt Prisila lu in nakwen Akwila ma têt lau hon nan sêmbo Onesiporas ndê andu.

²⁰ Erastas gacgen mbo malac Korin, ma gahu Tropimus sin mbo malac Miletus, bu in gêmbac.

²¹ Aö tac whin bu am mwen ngahô, ma hóc asê dindec mun su, nan goc ndoc uhô-nga. Yubelas lu Pudens, ma Lainas lu Klaudia ma asidôwai gamen dindec-nga hon sêkêt si acsalô têt am.

²² Pômdau whin am ma in ndê mwasin puc mac hon dô.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 18 Apr 2025 from source files dated 31 Aug 2023

545e5ca3-1e95-59e4-8380-93951e023cf7